



## Publicaziuns dalla vischnaunca, jamna 28

### Damondas da baghegiar

#### 2021-1050.000

##### Datum dalla publicaziun: ils 16 da fendadur 2021

Il patrun: Marcel Moser,  
Haldenstrasse 47,  
422 Pfungen

Representanza: Schmidli Architekten und Partner,  
Tannewäg 26, 8197 Rafz

Object: Construcziun d'ina casa dad ina  
famiglia, parcella 1090,  
Via Scantschala 1, 7183 Mumpé Medel

#### 2021-1051.000

##### Datum dalla publicaziun: ils 16 da fendadur 2021

La patruna: Vischnaunca Disentis/Mustér,  
Via Cons 2, 7180 Disentis/Mustér

Representanza: IPZ Ingenieure und Planer AG,  
Via Lucmagn 2, 7180 Disentis/Mustér

Object: Novas lingias cun stabiliment pil  
provediment d'aua e novas lingias da  
canalisaziun, parcelas 541, 550, 551, 558, 563 e 1050, Via Clis,  
7180 Disentis/Mustér

#### 2021-1052.000

##### Datum dalla publicaziun: ils 16 da fenadur 2021

La patruna: Jacinta Maria Elmiger,  
Loëstrasse 74, 7000 Chur

Representanza: Cavelti Gebäudetechnik,  
Via Sogn Martin 18, 7166 Trun

Object: Installaziun d'ina pompa da calira  
d'aria/d'aua, parcella 3002, Via dils  
Larischs 4, 7180 Disentis/Mustér.

### Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant. Disentis/Mustér, ils 16 da fenadur 2021

Uffeci da baghegiar Disentis/Mustér

---



## Susteniment communal en connex cul coronavirus

Differents menaschis en nossa vischnaunca ein stai pertuccai dallas mesiras da protecziun encunter il coronavirus. Per sustener ils menaschis ch'ein vegni tuccai fermamein dalla secunda unda da pandemia ha la suprastanza communal concediu in credit posterius da maximalmeins frs. 80 000.–. Dil secund lockdown che ha entschiet il december 2020 e cuzzau per differents menaschis entochen lunsch viaden ella primavera 2021, ei cunzun la branscha dalla gastronomia stada pertuccada. Malgrad il susteniment dil stadi ein las consequenzas finanzialas per tals menaschis grondas. Per segidar cun quellas fatschentas, ha la suprastanza communal concediu sura credit che correspunda a rodund 0,5 % dallas expensas annualas dalla vischnaunca.

Suprastanza communal

---

## Niev – foto digitala per la carta d'identitad

Habitontas e habitonts che vulan prolungir ni far ina nova carta d'identitad han da niev era la pusseviltad da tarmetter ina fotografia digitala per e-mail a [secretariat@disentis.ch](mailto:secretariat@disentis.ch). La fotografia sto correspunder allas normas ch'ein publicadas sin nossa pagina d'internet sut: [Vischnaunca/Administraziun/Partiziun/Carta d'identitad](#). Plinavon sto la fotografia vegnir inoltrada en format da JPG. Il formular da damonda sto denton vinavon vegnir suttascrats persunalmeins al spurtegl dall'administraziun communal. Igl impuls da tschercar alternativs tier ina foto da passaport (fotografia tradiziunala) ha sur Martin Bearth dau cun sia brev da lecturs «Tgei veta cumplacada», cumparida ella «Quotidiana» avon paucs meins.

Administraziun communal

---

## Communicaziun da traffic

### Serrada dalla Via Pardomat

Preziadas convischinas, prezias convischins

Igl Uffeci cantunal da construcziun bassa dil cantun Grischun communichescha davart la serrada dalla Via Pardomat sco suonda.

Sin fundament da lavurs da renovaziun dil surpassadi da viafier (Viafier retica) vegn la part dalla Via Pardomat denter Madernal e la Punt Russein serrada per tut traffic incl. il traffic plaun **mesjamna, ils 14 da fenadur naven dallas 8.00 entochen gievgia, ils 15 da fenadur 2021, allas 16.00**. Per vehichels entochen 28 tonnas exista in sviament sur Sumvitg–Cumpadials–Falens. Vischinas e vischins ein envidai da risguardar las signalisaziuns correspundentas.

Informaziuns actualas anfleis Vus sut: [www.strassen.gr.ch](http://www.strassen.gr.ch)

Per damondas stat igl uffeci da construcziun bassa bugen a Vossa disposiziun. Nus engraziein per Vossa capientscha e salidein amicablamein.

Uffeci da construcziun bassa dil Grischun,  
district 6, 081 257 68 8

---

## Determinaziuns

**Determinaziun dallas zonas da protecziun per las tschaffadas da fontaunas/tschaffadas d'aua sutterrana dallas vischnauncas da Disentis/Mustér e Medel Lucmagn:**

- Stgeinas, Crap da Bos, Fontauna Freida, Val Vedra, Draus (Val Segnas)
- Rosas, Crap Fess, Lag da Tgauns, Spina da Vin (Val Acletta)
- Fistatg da Mises, Crap Gries, Fistatg Lartg, Platta Lada, Fontauna Freida, (Val Clavaniev)
- Tschaffadas dalla claustra a Marietta
- Tschaffada Alp Russein (Val Russein)
- Fontaunas e Muota Pigniel



### Exposiziun publica

Tenor art. 20 dalla lescha federala davart la protecziun dallas auas dils 24 da schaner 1991 ed art. 24 dalla lescha cantunala davart la protecziun dallas auas dils 8 da zercladur 1997 ston las vischnauncas resp. ils possessurs dallas tschaffadas schar elavurar la determinaziun dallas zonas da protecziun per las tschaffadas da fontaunas

- Stgeinas; Val Segnas, vischnaunca Disentis/Mustér;
- Crap da Bos; Val Segnas, vischnaunca Disentis/Mustér;
- Fontauna Freida; Val Segnas, vischnaunca Disentis/Mustér;
- Val Vedra; Val Segnas, vischnaunca Disentis/Mustér;
- Draus; Val Segnas, vischnaunca Disentis/Mustér;
- Rosas; Val Acletta, vischnaunca Disentis/Mustér;
- Crap Fess; Val Acletta, vischnaunca Disentis/Mustér;
- Lag da Tgauns; Val Acletta, vischnaunca Disentis/Mustér;
- Spina da Vin; Val Acletta, vischnaunca Disentis/Mustér;
- Fistatg da Mises; Val Clavaniev, vischnaunca Disentis/Mustér;
- Crap Gries; Val Clavaniev, vischnaunca Disentis/Mustér;
- Fistatg Lartg; Val Clavaniev, vischnaunca Disentis/Mustér;
- Platta Lada; Val Clavaniev, vischnaunca Disentis/Mustér;
- Fontauna Freida; Val Clavaniev, vischnaunca Disentis/Mustér;
- Tschaffadas dalla claustra a Marietta; vischnaunca Disentis/Mustér;
- Tschaffada Alp Russein; Val Russein, vischnaunca Disentis/Mustér;
- Fontaunas; Fontauna, vischnauncas da Disentis/Mustér e Medel/Lucmagn;
- Muota Pigniel; Val da Crusch, vischnauncas da Disentis/Mustér e Medel/Lucmagn.

### Actas d'exposiziun:

- plan dallas zonas da protecziun 1:5 000 dils 31 d'october 2018, resp. dils 15 d'avrel 2019 (Val Clavaniev) edils 30 da settember 2019 (Val Russein)
- rapport hidrogeologic dils 31 d'october 2018, resp. 4 da settember 2019 (Val Russein)
- reglament per las zonas da protecziun dils 31 d'october 2018 resp. dils 4 da settember 2019 (Val Russein)

Ils documents ein exponi publicamein naven dils 16 da fenadur 2021 durant 30 dis tier l'administraziun communal da Disentis/Mustér e l'administraziun communal da Medel/Lucmagn per envesta (mintgamai durant las uras d'avertura dil spurtegl). Persunas ch'ein pertuccadas entras la determinaziun dallas zonas da protecziun e che han in agen interess digns da vegnir protegius per abolir ni midar quellas, san inoltrar enteifer 30 dis naven dil datum da publicaziun entochen ils **16 d'ust 2021** ina protesta encunter il plan dallas zonas da protecziun ed encunter il reglament per las zonas da protecziun. Las protestas ston vegnir inoltradas a scret alla suprastonza communal da Disentis/Mustér. Ellas ston cuntener ina motivaziun ed ina proposta.

Disentis/Mustér, ils 13 da fenadur 2021

La suprastonza communal Disentis/Mustér



### Uniun da dunnas Disentis/Mustér

A caschun dalla davosa radunonza generala ein las suandontas personas vegnidas elegidas;

Leslie Flury, presidenta (niev)  
Manuela Maissen, cassiera (reelegida per dus onns)

Plinavon ha la radunonza fixau la contribuziun annuala a frs. 20.–. L'unfrenda da sontga Lisabet ei voluntaria. Ei vegn denton supplicau dad indicar sil cedel da pagament, per tgi che la contribuziun ei destinada. Nus vulein aunc inagada engraziar da cor a Katrin Pally per sia buna lavur ils davos onns sco presidenta per l'uniun.  
Cordials salids

La suprastonza Leslie, Sandra e Manuela

Im Zusammenhang mit der letzten Generalversammlung der Uniun da dunnas sind folgende Personen gewählt worden:

Leslie Flury, Präsidentin (neu)  
Manuela Maissen, Kassiererin (wiedergewählt für zwei Jahre)

Weiter wurde an der Generalversammlung der Mitgliederbeitrag auf Fr. 20.– fixiert. Die Spende für die heilige Lisabet ist freiwillig. Es wird um Angabe auf dem Einzahlungsschein gebeten, für wen die Zahlung ist. Auch möchten wir hier nochmal herzlich Katrin Pally für ihre Arbeit als Präsidentin in den letzten Jahren danken.

Der Vorstand, Leslie, Sandra und Manuela

---

### Concerts da stad Acletta, Mustér Ensemble Ars Amata

#### 1. concert

##### Dumengia, ils 18 da fenadur, 17.00

Elisabeth Weber-Erb, Cornelia Messertli-Ott, violinas; Rudolf Weber, Andreas Pfenninger, violas Romana Kaiser, Ioanna Seira, violoncels, Fabio di Casola, clarinetta Mozart, Tschaikowski

#### 2. concert

##### Sonda, ils 31 da fenadur, 17.00

Kathrin Oplatka, flauta, Elisabeth Weber-Erb, violina, Rudolf Weber, viola, Ioanna Seira, violoncel  
Beethoven, Dohnanyi, Debussy, Mozart

#### 3. concert

##### Dumengia, ils 15 d'uost, 17.00

Fabio di Casola, clarinetta, Elisabeth Weber-Erb, violina, Rudolf Weber, viola, Romana Kaiser, violoncel, Per Lundberg, clavazin Mozart, Juon, Menotti, Turina

Entrada libra, plaz reservau frs. 30.–

Mira inserat